

## ओ जी म्हारा खाटू वाला श्याम

क्यूँ दिन घालो आशा पूरदयोजी,  
ओ जी म्हारा खाटू वाला श्याम,  
देर कर्-याँ पत थारी जयासी जी,  
ओ जी म्हारा.....

ताली दे दे हाँसे लोगडाजी,  
ओजी म्हारा आप सुँवारो काम,  
यो मनड़ो इब गम नाँ खायसी जी,  
ओ जी म्हारा.....

आश घणी थारी म्हानें साँवराजी,  
ओजी थे तो आवो करके लाम,  
यो टाबर गुण थारा गायसी जी,  
ओ जी म्हारा.....

दूखण लागी आँख्यां डीकताँ जी,  
ओजी बाबा अहलवतीरा लाल,  
निरख-निरख मन माँ हरषायस्याँजी,  
ओ जी म्हारा.....

काला बादल गरजै शीश पै जी,  
ओजी थारो दुःख हरता है नाम,  
श्याम धणी कद दर्शण पायस्याँजी,  
ओ जी म्हारा.....

रात च्यानणी धोली दूध-सी जी,  
ओजी थारै शरणे 'काशीराम',  
साल सवाई खाटू आयस्याँजी,  
ओ जी म्हारा.....

<https://alltvads.com/bhajan/lyrics/id/25967/title/oh-ji-mhara-khatu-wala-shyam>

अपने Android मोबाइल पर [BhajanGanga](#) App डाउनलोड करें और भजनों का आनंद ले |